



ՊԱՏԻՎ ՈՒՆԵՄ



ՀԻՄՆԱԿՈՐ ԳԻՏԵԼԻՔՈՎ ԴԵՊՒ ԼՐՇԱՆԱԴԱՏԻՎ ԾԱՌԱՅՈՒԹՅՈՒՆ Թիվ 4(54), 29 մայիսի, 2023թ.
ՀՀ ՆԳՆ ՈՍՏԻՎԱՆՈՒԹՅԱՆ ԿՐԹԱՅԱՍԱԼԻՐԻ ՊԱՇՏՈՆԱԹԵՐԹ


ՀՀ ՆԵՐՔԻՆ ԳՈՐԾԵՐԻ ՆԱԽԱՐԱՐԸ ՆԳՆ ԿՐԹԱՅԱՍԱԼԻՐՈՒՄ



Մայիսի 16-ին ՀՀ ներքին գործերի նախարար Վահե Ղազարյանն այցելել է ՆԳՆ կրթահամալիր: Կրթահամալիրի պետ Մանուկ Մուրադյանի, պարեկային ծառայության պետ Արթուր Խուրդինյանի և ոստիկանության ներքին անվտանգության վարչության պետ Վաղինակ Մարտիրոսյանի ուղեկցությամբ ՀՀ ՆԳՆ նախարարը շրջայց է կատարել Կրթահամալիրում, հետևել է մայիսի 2-ից մեկնարկած պարեկային ծառայության վերջին 4-րդ հոսքի դասընթացներին, զրուցել է դասընթացավարների և ապագա պարեկների հետ, հետաքրքրվել դասապրոցեսի և ուսումնական ծրագրի մասին:

Հիշեցնենք, որ ՆԳՆ կրթահամալիրում դասընթացներ են անցկացվում պարեկային ծառայության Արարատի, Արմավիրի, Վայոց ձորի և Սյունիքի ստորաբաժանումների ապագա պարեկների համար: Դասընթացը տևում է հինգ ամիս, որի ընթացքում սովորողներին դասավանդվում է 24 մոդուլից բաղկացած ուսումնական ծրագիր: Ուսումնառության վերջին մեկ ամիսը նախատեսված է մասնագիտական պրակտիկայի համար, ինչից հետո պետական ամփոփիչ առեստավորումը հաղթահարած սովորողները հոկտեմբերից չորս մարզերում կանցնեն ծառայության, և այսպիսով պարեկային ծառայությունը կգործի հանրապետության ողջ տարածքում:

ՉԵԽԱՅԻ ՆԳՆ ՈՍՏԻՎԱՆՈՒԹՅԱՆ ՓՈՐՁԱԳԵՏՆԵՐԻ ԴԱՍԵՆԹԱՅԸ ՀՀ ՆԳՆ ԿՐԹԱՅԱՍԱԼԻՐՈՒՄ



Մայիսի 23-26-ը ՀՀ ՆԳՆ ոստիկանության տարբեր ստորաբաժանումների ծառայողներ հնարավորություն ունեցան ծանոթանալու անչեխականների հարցաքննության առանձնահատկություններին ու ընտանեկան բռնության վերաբերյալ չեխական փորձին: Չեխիայի ՆԳՆ ոստիկանության անվտանգության զարգացման ծրագրի շրջանակներում ՀՀ ՆԳՆ կրթահամալիրում անցկացված դասընթացը վարում էին Չեխիայի ՆԳՆ ոստիկանության փորձագետներ Իվետա Ջոդարչկան, Մարտին Կլեչկան, Միլոսլավ Ադամչիկը, Յարոսլավ Դրաբալեկը, Պավլա Վանտուչովան:

Գասընթացավարները շրջայց կատարեցին Կրթահամալիրի տարածքով, ծանոթացան քրեագիտության մասնագիտացված լսարանին, փորձակայանին և մարզադահլիճին: Ընթացքում հյուրերը՝ Ակադեմիայի պետ, ոստիկանության գնդապետ Գագիկ Գրիգորյանի գլխավորությամբ, հանդիպեցին և մասնագիտական քննարկումներ ունեցան ակադեմիայի քրեական իրավունքի և քրեաբանության ամբիոնի պետ, ոստիկանության փոխգնդապետ Հռիփսիմե Խաչատրյանի, ակադեմիայի վարչական իրավունքի և ոստիկանության վարչական գործունեության ամբիոնի դասախոս, ոստիկանության կապիտան Անի Կիրակոսյանի հետ: Հանդիպումների շարքն ամփոփվեց ՀՀ ՆԳՆ կրթահամալիրի պետ, ոստիկանության գնդապետ Մանուկ Մուրադյանի աշխատասենյակում, որտեղ քննարկվեցին երկուստեք հետաքրքրություն ներկայացնող հարցեր:

ԿԱՅԱՑԱԿ ԱՊՅ ՄԱՍՆԱԿԻՑ ՊԵՏՈՒԹՅՈՒՆՆԵՐԻ ՆԳՆ ԲՈՒՅԵՐԻ ԴԵԿԱՎԱՐ ԿԱԶՄԻ ՊԱՏՐԱՍՏԱՆ ԱՍՈՑԻԱՑԻԱՅԻ ՀԱՆԴԻՊՈՒՄԸ

Մայիսի 25-ին Տաջիկստանի Հանրապետության ՆԳՆ ակադեմիայում տեղի ունեցավ ԱՊՅ մասնակից պետությունների ՆԳՆ բուհերի ղեկավար կազմի պատրաստման ասոցիացիայի ամենամյա 14-րդ հանդիպումը: Հանդիպմանը մասնակցում էր ԱՊՅ անդամ երկրների ՆԳՆ և ոստիկանական բուհերի ղեկավար կազմը: Բացման խոսքով հանդես եկավ ՌԴ կառավարման ակադեմիայի պետ, իրավաբանական գիտությունների դոկտոր, դոցենտ, ոստիկանության գեներալ-մայոր Սերգեյ Սինենկոն, շնորհակալություն հայտնեց մասնակիցներին և ընդգծեց հանդիպման կարևորությունն ու դրական անդրադարձը շարունակական համագործակցության վրա: Առցանց ելույթով հանդես եկավ նաև ՀՀ ՆԳՆ կրթահամալիրի պետ, ի.գ.թ., դոցենտ, ոստիկանության գնդապետ Մանուկ Մուրադյանը, որը միջոցառման կազմակերպիչներից շնորհակալություն հայտնեց նման նշանակալի հանդիպում նախաձեռնելու համար. «Ասոցիացիայի անդամ ուսումնական հաստատու-



թյունների ունեցած անսպառ ներուժը պետք է ոգեշնչող գործոն ծառայի բոլորիս համար՝ նպաստելով կառուցողական երկխոսությանը և մեր ընդհանուր խնդիրների համատեղ լուծմանը»: Ձեկույցներով հանդես եկան նաև ասոցիացիայի անդամ բուհերի այլ ղեկավարները, քննարկվեցին և որոշումներ կայացվեցին կազմակերպչական բնույթի հարցերի վերաբերյալ:

ՄԻԶԱԶԳԱՅԻՆ ՕՊԵՐԱՏԻՎ ՀԱՆԴԻՊՈՒՄ ԿՐԹԱՅԱՍԱԼԻՐՈՒՄ



Մայիսի 23-ին և 24-ին ՀՀ ՆԳՆ ոստիկանության կրթահամալիրում տեղի ունեցավ «Արևելյան գործընկերության տարածաշրջանում կազմակերպված հանցավորության դեմ պայքարի» ծրագրով աշխատանքային հանդիպում, որի նպատակն էր ընդլայնել Արևելյան գործընկերության երկրների ներգրավվածությունը միասնական գործողություններին և օպերացիաներին՝ Քրեական սպառնալիքների դեմ պայքարի եվրոպական բազմամասնագիտական հարթակի (EMPACT) շրջանակում: Աշխատանքային հանդիպմանը մասնակցում էին Եվրոպոլի, Ֆրանսիայի, Իսպանիայի, Ռումինիայի, Մոլդովայի, Վրաստանի, Հայաստանի ներկայացուցիչները և ՀՀ ՆԳՆ ոստիկանության ծառայողները: ՀՀ ՆԳՆ ոստիկանության պետի տեղակալ, ոստիկանության գնդապետ Վ. Վարդանյանն արդյունքի խոսքում ընդգծեց հանցավորության դեմ պայքարի գործում ծրագրի կարևորությունն ու առանձնահատուկ դերը, վստահեցրեց, որ քննարկվող արդի թեմաներն արդյունավետ անդրադարձ են ունենալու Եվրոպոլի, ԵՄ և արևելյան գործընկերության երկրների ոստիկանական կառույցների փոխշահավետ համագործակցության վրա:

Ելույթով հանդես եկան ՀՀ ՆԳՆ, Իսպանիայի Թագավորության քաղաքացիական գվարդիայի, Ֆրանսիայի Հանրապետության Ազգային ժանդարմերիայի, Վրաստանի ՆԳՆ, Մոլդովայի և Ռումինիայի Հանրապետությունների ոստիկանական մարմինների ներկայացուցիչները: Ձեկույցների թեմաներն ընդգրկում էին տարբեր երկրների քրեական վիճակագրություններն ու կոնկրետ հանցագործությունների դեմ պայքարի մարտավարության համեմատական վերլուծությունները: Առավել ընդգրկվում ներկայացվում էին տարբեր երկրներում կազմակերպված հանցավոր խմբերի դեմ պայքարի առանձնահատկությունները, հետխորհրդային երկրների տարածքում տեղ գտած «օրենքով գող» հասակացության իրավական սահմանումները, տվյալ համակարգի դեմ պայքարի իրավապահ մարմինների ծեռնարկած միջոցառումները: Ելույթներ եղան նաև Եվրոպոլի տեղեկատվության փոխանակման SIENA համակարգի վերաբերյալ: Միջոցառման մասնակիցները շրջայց կատարեցին ՀՀ ՆԳՆ կրթահամալիրի տարածքով, այցելեցին փորձակայաններ և քրեագիտության լսարաններ, մարզադահլիճներ, ապա ՀՀ ՆԳՆ քանգարանում ծանոթացան հայկական ոստիկանության պատմությանը:

ՎԱՐԺԱԽԱՂԵՐԻ ՀՐԱՅԱՆԳԱՎՈՐՈՒՄ



Մայիսի 29-ին տեղի ունեցավ ՀՀ ՆԳՆ կրթահամալիրի ակադեմիայի իրավագիտության ֆակուլտետի բակալավրիատի առկա անվճար ուսուցման 4-րդ կուրսի սովորողների 2022-2023 ուստարվա վարժախաղերի հրահանգավորումը:

Միջոցառմանը մասնակցում էին Կրթահամալիրի ակադեմիայի

պետ, ոստիկանության գնդապետ Գ. Գրիգորյանը, ակադեմիայի ղեկավար կազմի ներկայացուցիչները, խաղային խմբերի ղեկավարները, վարժախաղերին որպես խորհրդատու ներգրավված ծառայողները, ինչպես նաև իրավագիտության ֆակուլտետի բակալավրիատի առկա անվճար ուսուցման 4-րդ կուրսի սովորողները:

Հրահանգավորման ընթացքում Կրթահամալիրի ակադեմիայի պետ, ոստիկանության գնդապետ Գ. Գրիգորյանը պարզաբանեց վարժախաղերի անցկացման կազմակերպական բնույթի հարցերը, կարևորեց պրակտիկայի ընթացքում ձեռք բերված հմտությունների և ունակությունների ամրապնդման գործում վարժախաղերի դերը, սովորողների ուշադրությունը հրավիրեց վարժախաղերի առավել առանցքային խնդիրների վրա, իսկ խորհրդատուներին հորդորեց ուշադրության կենտրոնում պահել սովորողների տեսական գիտելիքների պրակտիկ կիրառման ունակությունները և դիտարկել վարժախաղերի կատարելագործման հնարավոր ուղիներն ու միջոցները:

Կրթահամալիրի ակադեմիայի պետի տեղակալ, ոստիկանության

գնդապետ Ա. Հովհաննիսյանը ներկայացրեց կրթահամալիրի պետի հրամանով ձևավորված վարժախաղերի խմբերը, դրանց ղեկա-

վարներին և խորհրդատուներին: Միջոցառման ավարտին ակադեմիայի պետը պատասխանեց սովորողների հարցերին:



ՄԻՋԱԶԳԱՅԻՆ ԳԻՏԱԳՈՐԾՆԱԿԱՆ ՀԱՄԱԺՈՂՈՎ



Մայիսի 25-ին տեղի ունեցավ ՌԴ ՆԳՆ Վ. Լուկյանովի անվան Օրյոլի իրավաբանական ինստիտուտի կազմակերպած «Երիտասարդների աչքերով իրավունքի արդի հիմնախնդիրները» թեմայով միջազգային գիտագործնական հեռավար համաժողովը:

ԱՊՀ անդամ երկրների ոստիկանական բուհերի ներկայացուցիչների շարքում էր նաև ՀՀ ՆԳՆ կրթահամալիրի ակադեմիայի երկրորդ կուրսի սովորող, ոստիկանության ավագ սերժանտ Նաիրի Զիլաբյանը: Վերջինս ներկայացրեց «Անձնական տվյալների պաշտպանության օրենսդրությունը և իրավական կարգավորումների արդի հիմնախնդիրները» թեմայով զեկույցը, որի շուրջ ակտիվ քննարկում ծավալվեց:

Ձեկույցի գիտական ղեկավարն էր Ակադեմիայի քաղաքացիական իրավունքի և դատավարության ամբիոնի պետի Ժ.Ա., ի.գ.թ., դոցենտ, ոստիկանության կապիտան Գայանե Մարուքյանը:

ՄԻՋԱԶԳԱՅԻՆ 21-ՐԴ ԳԻՏԱԺՈՂՈՎԻՆ ՄԱՍՆԱԿՑԵՑԻՆ ՆԱԵՎ ԿՐԹԱՀԱՄԱԼԻՐԻ ՍՈՎՈՐՈՂՆԵՐԸ

Մայիսի 19-ին ՌԴ Սիբիրի իրավաբանական համալսարանի 25-ամյակին նվիրված և վերջիններիս կազմակերպած «Սիբիրյան իրավաբանական ուսանողական ընթերցումներ» վերառաջությամբ միջազգային 21-րդ գիտաժողովին մասնակցելու հայտ էին ներկայացրել ՀՀ ՆԳՆ կրթահամալիրի ակադեմիայի առկա անվճար ուսուցման 2-րդ կուրսի սովորողներ՝ ոստիկանության ավագ սերժանտ Նաիրի Զիլաբյանը, ոստիկանության ավագ սերժանտ Ժաննա Տեփանոսյանը և քոլեջի 2-րդ կուրսի սովորող, ոստիկանության սերժանտ Էլենուրա Հախնազարյանը:

Գիտաժողովի շրջանակներում «Պատշաճ վարչարարության որոշ հիմնախնդիրներ Հայաստանի Հանրապետությունում» զեկույցով հանդես եկավ Կրթահամալիրի ակադեմիայի սովորող, ոստիկանության ավագ սերժանտ Նաիրի Զիլաբյանը, իսկ «Մարդկանց թրաֆիքինգի կամ շահագործման առանձնահատկությունները Հայաստանի Հանրապետությունում և դրանց դեմ պայքարի որոշ ուղղություններ» զեկույցով հանդես եկավ Կրթահամալիրի քոլեջի սովորող, ոստիկանության սերժանտ Էլենուրա Հախնազարյանը: Գիտաժողովի մասնակիցները նրան որոշ հարցեր ուղղեցին՝ ՀՀ-ում վարչարարության իրականացման գործող մեխանիզմների վերաբերյալ:

Համակարգման նպատակով միջոցառմանը ներկա էր նաև ՀՀ ՆԳՆ կրթահամալիրի ակադեմիայի վարչական իրավունքի և ոստիկանության վարչական գործունեության ամբիոնի դասախոս, ոստիկանության կապիտան Անի Կիրակոսյանը:

ՖՐԱՆՍԻԱԿԱՆ ՓՈՐՁԻ ՓՈՒՍԱՆԱԿՈՒՄ ՆԳՆ ԾԱՌԱՅՈՂՆԵՐԻ ՀԱՄԱՐ

Մայիսի 15-18-ը ՀՀ ՆԳՆ ոստիկանության կրթահամալիրում տեղի ունեցավ «Ձանգվածային միջոցառումների ժամանակ հասարակական կարգի պահպանում» թեմայով վերապատրաստման դասընթաց՝ հայ-ֆրանսիական ոստիկանության համագործակցության 2023թ. ծրագրի շրջանակներում: ՀՀ ՆԳՆ տարբեր ստորաբաժանումների ծառայողների հետ իրենց փորձն էին եկել կիսելու Ֆրանսիայի ոստիկանության ազգային անվտանգության մարմնի (C.R.S) փորձագետներ Քվենտին Վինոտը և Նիկոլա Լուվինը:

Դասընթացի մեկնարկին ՀՀ ՆԳՆ ոստիկանության կրթահամալիրի պետ, ոստիկանության գնդապետ Մանուկ Մուրադյանը ողջունեց հյուրերին ու մասնակիցներին՝ նշելով, որ Կրթահամալիրը հետևողականորեն կազմակերպում ու նախաձեռնում է նմանատիպ միջոցառումներ՝ նպաստելու ծառայողների գիտելիքների, գործ-

նական հմտությունների բարելավմանը:

Քառօրյա դասընթացը հագեցած էր զանգվածային հավաքների ժամանակ ֆրանսիական ոստիկանության ձեռնարկած մարտավարական գիտելիքներով ու հմտություններով, Հայաստանի և Ֆրանսիայի համապատասխան ստորաբաժանումների առանձնահատկությունների համեմատական վերլուծությամբ, գործնական վարժություններով ու ակտիվ քննարկումներով: Գործնական վարժություններից մեկին ակտիվ մասնակցություն ունեցան նաև Կրթահամալիրի սովորողները:

Դասընթացն ամփոփվեց Կրթահամալիրի պետի շնորհակալական խոսքով՝ ֆրանսիական փորձը ՆԳՆ ծառայողներին արդյունավետ փոխանցելու համար:

Ֆրանսիական փորձը յուրացնելու կապակցությամբ մասնակիցներն ստացան համապատասխան հավաստագրեր:



ԹՊԻՀ ԳՐԱՍԵՆՅԱԿԻ ԱՅՑԸ ԿՐԹԱՀԱՄԱԼԻՐ

Մայիսի 18-ին ՀՀ ՆԳՆ կրթահամալիր էին այցելել ԱՄՆ ԹՊԻՀ ծրագրի կենտրոնական գրասենյակի աշխատակից Ռեյչել Կուլը, ՀՀ-ում ԱՄՆ դեսպանության ԹՊԻՀ (Թմրամիջոցների դեմ պայքարի և իրավապահ համագործակցության գրասենյակ) ծրագրի ղեկավար Ալեքսիա Հաֆթլանին և ծրագրի պատասխանատու Կարինե Քեշաբյանը:

Հյուրերին դիմավորեց Կրթահամալիրի պետ, ոստիկանության գնդապետ Մանուկ Մուրադյանը, պետի առաջին տեղակալ, ոստիկանության գնդապետ Միսակ Մարկոսյանը, ՈւՄ միջազգային համագործակցության և ՏՏ ներդրման բաժնի պետ, ոստիկանության փոխգնդապետ Գրիգորի Դավթյանը:

Հյուրերը շրջեցին Կրթահամալիրի տարածքով, այցելեցին փորձակայաններ, Քրեագիտության մասնագիտացված լսարան և մարզադահլիճ:

Հանդիպումը շարունակվեց Կրթահամալիրի պետի աշխատասենյակում, որտեղ Մ. Մուրադ-



յանը Ռեյչել Կուլին ներկայացրեց Կրթահամալիրի կառուցվածքը և իրականացվող կրթական ծրագրերը: Մանրամասն անդրադարձ կատարվեց ԹՊԻՀ գրասենյակի կողմից Կրթահամալիրին տրամադրվող օժանդակությանը՝ ընդգծելով դրա կարևորությունը ներկայումս իրականացվող փոփոխությունների համատեքստում:

Այցի ընթացքում քննարկվեցին նաև երկուստեք հետաքրքրություն ներկայացնող այլ հարցեր:

ՄԵՆԷ ԿԱՆԷ, ՊԻՏԻ ԼԻՆԵՆԷ ՈՒ ԴԵՌ ՀԱՏԱՆԱԼԷ

Դժվար էր մեր ուղին, բայց նպատակը վեհ էր, իսկ դեպի վեհ նպատակ տանող ուղին հաղթանակ է:

Սոնթե Մելքոնյան

Հիրավի մեզմեջ յուրաքանչյուրն իր հոգու խորքում ունի աշխարհագրական քարտեզի իր օրինակը, որտեղ սահմաններն ուղղակի մտովի, գրիչի մի քանի հարվածով են գծված, ու մի քանի միլիմետր շեղումն անզամ պատերազմների առիթ չի դառնում: Մեր պատմության ողջ ընթացքում մենք պայքարել ենք. սկզբում ապրելու, այնուհետև պետություն ու պետականություն ունենալու, հետագայում անկախանալու ու գալիք սերնդին ավելի հզոր ու անպարտ հայրենիք ժառանգելու համար, իսկ պայքարի միակ պայմանը հաղթանակն էր: Հաղթանակ, որը տրվում է պայքարի գնով: Ու տվորական կռիվը պայքար է դառնում, երբ դառնում ենք մեկ միասնական բռունցք, մեկ ազգ ու մեկ պետություն, քանի որ պաշտպանության կարիք ունի մեր ամենաթանկը՝ Հայրենիքը, որովհետև

«Հայրենիքը սիրում են ոչ թե նրա համար, որ այն մեծ է, այլ նրա համար, որ քոնն է»: Հայոց աշխարհը, նրա լեռներն ու քարափներն են մեզ տվել իրենց կարծրությունը, որ հայի հոգում համբերություն ու համառություն են դարձել: Այստեղ է, որ լսում են հայրենիքիդ հավերժության երգը և գիտակցում, որ դու ես նրա սուրբ բազկի ուժն ու զորությունը: Իսկ մեր պայքարի, իրար հաջորդող հաղթանակների ու անկոտրում կամքի լուռ վկան է դարձել մայիսը, որ փոխարինելու է եկել Պատմահորը՝ դառնալով պատմական հաղթանակների ու բախտորոշ իրադարձությունների արձանագրողը: Մայիս՝ եռատոմ Ավարայրի ծակատամարտից մինչև 1992 թվական, երբ 200-ամյա զերթունքից ազատագրվեց Արցախի մայրաքաղաք Շուշին: Մայիս՝ հաղթանակների և վրեժխնդրության ամիս, ապրելու ու Փյուն

նիկի նման վեր հանելու ամիս, որովհետև Հայը միշտ պիտի լինի, որովհետև գալիք սերնդին փոխանցելու արժեքներ ունի, հայրենասեր զավակներ դաստիարակելու առաքելություն ունի, չէ՞ որ Նժդեհը փաստում էր. «Հայրենիքներն ապրում են հայրենասիրությամբ, կործանվում՝ դրա պակասի պատճառով...»: Մենք պիտի հայրենիքի ապրելու գրավականը լինենք, ոչ թե՛ կործանման պատճառը: Իսկ հայրենասիրությունն սկսվում է հայրենատիրությունից, երբ մեր գիտակցության ամեն բջիջ իր վրա պատասխանատվություն կվերցնի տեր կանգնելու ամեն միլիմետրին, ամեն սար ու քարին, երբ մեր սիրտը կցավի մեր հայրենակցի անհաջողության, վշտի համար ու կցնծա ամենափոքր ձեռքբերումից, երբ մեր միտքը միայն հայրենիք կգոռա, իսկ լեզուն միայն աղոթք կչչնձա՝ հանուն հայրենիքի խաղաղ լուսաբացների: Հայ... Դարերի խորքից եկած ու դեպի դարերի խորքը գնացող ազգ: Ազգ, որ գոյության ողջ ընթացքում պայքար է մղել հա-

նուն ապրելու, ազգ, որի զավակները պատմություն են կերտել ու պատմության էջերը ոսկեգծով են իրենց անուններով, իրենց հաղթանակներով, որովհետև կրում են Արարչի, Անդրանիկի, Նժդեհի, Սոնթեի գենը: Բեռքից մինչև Շուշի մեզ միայն հաղթանակներ են ուղեկցել, բայց այս երկրում ցավոտ է անզամ հաղթանակն ու նրանից ծնված հպարտությունը, որովհետև դրանք ծնունդ են առել բազում քաջերի կյանքի հաշվին, նրանց ընդհատված երազանքների ու այդպես էլ չիրագործված նպատակների հաշվին, դրա համար էլ կրկնակի ու եռակի թանկ են արժենում: Բայց մենք հաղթանակած ազգ ենք, ու հայոց աշխարհում հաղթանակած մայիսները փոխարինելու են միմյանց, մայիսյան արշալույսները հայոց աշխարհում միայն հաղթանակներով են բացվելու, իսկ մենք «կանք, պիտի լինենք ու դեռ շատանանք»...

Սելսիա Ավետիսյան
Իրավագիտության ֆակուլտետ,
2-րդ կուրս

ԱԼԵԶՍԵՅ ՅԵՔԻՄՅԱՆԻ ԾԵՆԴՅԱՆ ՕՐՎԱՆ ՆԿԻՐՎԱԾ ՄԻՋՈՑԱՌՈՒՄԸ

Մայիսի 10-ին ՀՀ ՆԳՆ կրթահամալիրում ՀՀ ներքին գործերի նախարարության աջակցությամբ և թովմասյան հիմնադրամի նախաձեռնությամբ տեղի ունեցավ միջոցառում՝ նվիրված խորհրդային միլիցիայի գեներալ-մայոր Ալեքսեյ Յեքիմյանի ծննդյան օրվան:

Վարապետյանը: Հյուրերը շրջեցին կրթահամալիրի տարածքով, հարգանքի տուրք մատուցեցին ծառայողական պարտականությունները կատարելիս զոհված ոստիկանների հիշատակին, այնուհետև թովմասյան հիմնադրամի աջակցությամբ տեղադրված մեծամուն կոմպոզիտոր, խորհրդային միլիցիայի գեներալ-մայոր Ալեքսեյ Յեքիմյանի կիսանդրու մոտ տեղի ունեցավ ցերեկույթ՝ նվիրված անվանի կոմպոզիտորին:



Վիլիամյանը Արման Նիկոլյանը, քոլեջի սաները, ինչպես նաև երգիչներ Սյուզի Արամյանը և Գևորգ Պողոսյանը:

ԳԻՏԱԳՈՐԾՆԱԿԱՆ ԸՆՆԱՐԿՈՒՄՆԵՐԻ ՀԱՐԸ



ՀՀ ՆԳՆ կրթահամալիրի գիտական խորհրդի 31.01.2022 թիվ 1 նիստում հաստատված «Գիտաժողովների, ամենամյա գիտական հետազոտությունների ամփոփման, կազմակերպման և անցկացման կարգ»-ի և կրթահամալիրի պետի հաստատած ժամանակացույցի շրջանակներում մայիսի 26-ին կրթահամալիրում տեղի ունեցավ «Մարդու և քաղաքացու հիմնական իրավունքների և ազատությունների սահմանափակման սահմանադրական հիմքերը» խորագրով գիտաժողովական քննարկում, որը կազմակերպել էր ՀՀ ՆԳՆ կրթահամալիրի ակադեմիայի պետության և իրավունքի տեսության և սահմանադրական իրավունքի ամբիոնը: Քննարկմանը մասնակցում էին իրավիճակի բանախոս, ՀՀ ԳԱԱ Փիլիսոփայության, սոցիոլոգիայի և իրավունքի ինստիտուտի ավագ գիտաշխատող, իրավաբանական գիտությունների թեկնածու, դոցենտ Լ. Ղազանչյանը, ամբիոնի պետի պարտականությունների ժամանակավոր կատարող, ոստիկանության փոխգնդապետ Ա. Սաֆարյանը, ամբիոնի ավագ դասախոս, ոստիկանության մայոր Ա. Մարգարյանը և Կրթահամալիրի ակադեմիայի իրավագիտության ֆակուլտետի բակալավրի-

գործնական քննարկում, որը կազմակերպել էր ՀՀ ՆԳՆ կրթահամալիրի ակադեմիայի քրեական դատավարության ամբիոնը: Մասնակցում էին ՀՀ ՆԳՆ կրթահամալիրի ակադեմիայի պետի տեղակալ, ոստիկանության գնդապետ, ի.գ.թ., դոցենտ Ա. Հովհաննիսյանը, քրեական դատավարության ամբիոնի դասախոսական կազմի ներկայացուցիչները, վճարովի ուսուցման 2-րդ և 3-րդ կուրսերի սովորողներ: Քննարկմանը հրավիրված էր նաև մասնագետ, ՀՀ Վճռաբեկ դատարանի հակակոռուպցիոն պալատի դատավոր, իրավաբանական գիտությունների թեկնածու, դոցենտ Կարեն Քիչարյանը: Քրեական հետապնդման հիմնախնդիրների վերաբերյալ գեկույցներով հանդես եկան ակադեմիայի վճարովի ուսուցման սովորողներ Հայկուհի Պողոսյանը և Գևորգ Անանյանը: Ձեկույցների ընթացքում բանախոսներն անդրադարձան «քրեական մեղադրանք» և «քրեական հետապնդում» հասկացությունների հարաբերակցության, ինչպես նաև քրեական հայցում ձևակերպված մեղադրանքի ապացուցվածության շեմին ներկայացվող պահանջների հիմնահարցերին: Ձեկույցների ավարտին բանախոսներին տրվեցին ՀՀ ներպետական իրավունքին, նախադեպային որոշումներին, իրավակիրառ և դատական պրակտիկային առնչվող հարցեր. ծավալվեց ակտիվ քննարկում:

Քաղաքացիական դատավարության ամբիոնը: Քննարկմանը մասնակցում էին ՀՀ ՆԳՆ կրթահամալիրի պետի առաջին տեղակալ, ոստիկանության գնդապետ, ի.գ.թ., դոցենտ Մ. Մարկոսյանը, ՀՀ ՆԳՆ ոստիկանության հասարակական անվտանգության ապահովման գլխավոր վարչության պետի տեղակալը, անչափա-հասների գործերով և ընտանեկան բռնության դեմ պայքարի վարչության պետ, ոստիկանության գնդապետ, ի.գ.թ., դոցենտ Գ. Գրիգորյանը, կրթության որակի ապահովման և գիտական աշխատանքների բաժնի պետ, ոստիկանության կապիտան Տ. Խաչատրյանը, իրավիճակի բանախոսներ՝ ՀՀ Վարչական դատարանի դատավոր, ամբիոնի դասախոս Միկր Պետրոսյանը, ՀՀ ԱՆ գլխավոր հարկադրի կատարողի պաշտոնաթող տեղակալ, փաստաբանների պալատի անդամ, փաստաբան, ամբիոնի դասախոս Արմեն Հարությունյանը, փաստաբանների պալատի անդամ, փաստաբան Հասմիկ Նազարյանը, ամբիոնի պետ, ոստիկանության մայոր, ի.գ.թ., դոցենտ Գ. Խուրդյանը, ամբիոնի դասախոս, ոստիկանության կապիտան Ա. Կիրակոսյանը և Կրթահամալիրի 2-րդ, 3-րդ կուրսերի անվճար և վճարովի ուսուցման սովորողներ:

Վարչական պատասխանատվության որոշ հիմնա- 4



